


AWIG - AWIG ADAT




DESA ADAT TEBONGKANG
DESA SINGAKERTA
KECAMATAN UBUD
KABUPATEN DAERAH TINGKAT II
GIANYAR

P I D A G I N G
MAKA BANTANG AWIG - AWIG DESA ADAT
DESA ADAT TEBONGKANG

MURDHA - CITTA

SARGA	I : ARAN LAN WEWIDANGAN DESA	WIDANG	1
SARGA	II : PATITIS LAN PAMIKUKUH.		1
SARGA	III : SUKERTA TATA PAKRAMAN.		1
	Palet 1 Indik Krama		1
	Palet 2 Indik Prajuru Desa		3
	Palet 3 Indik Kulkul		4
	Palet 4 Indik Paruman.		4
	Palet 5 Indik Druwen Desa.		5
	Palet 6 Sukerta Pamitegep.		6
	Kaping 1 Karang, Tegal lan Carik		6
	Kaping 2 Pepayonan		7
	Kaping 3 Wewangunan.		7
	Kaping 4 Wewalungan.		8
	Kaping 5 B h a y a		8
	Kaping 6 Panyanggan Banjar		9
SARGA	IV : SUKERTA TATA AGAMA		9
	Palet 1 Indik Dewa Yadnya		9
	Palet 2 Indik Rsi Yadnya		12
	Palet 3 Indik Pitra Yadnya.		12
	Palet 4 Indik Manusa Yadnya		15
	Palet 5 Indik Bhuta Yadnya		16
SARGA	V : SUKERTA TATA PAWONGAN.		17
	Palet 1 Indik Pawiwahan		17
	Palet 2 Indik Nyapian		18
	Palet 3 Indik Sentana		20
	Palet 4 Indik Warisan		21
SARGA	VI : WICARA LAN PAMIDANDA		22
	Palet 1 Indik Wicara		22
	Palet 2 Indik Pamidanda		23
SARGA	VII : NGUWAH - NGUWUHN AWIG-AWIG.		24
SARGA	VIII : P A M U P U T		24



MURDHA - CITTA

AUM, OM

Om swastyastu, Om awighnamastu nama sidham
Putusing sabha Krama Desa Adat Tebongkang, gumawe Awig-awig Desa Pakraman,
maka sepat siku-siku pamatut wastu kasidhan prayojana mami kabeh, prasama
angidep mwah amagehaken kadi linging Awig-awig iki.

SARGA I

ARAN LAN WEWIDANGAN DESA

Pawos 1

- (1) Desa Adat puniki mewasta Desa Adat Tebongkang.
- (2) Jebar kakuwub wewidangannyane, mawates nyatur :
 - a. Sisih lor ring wewidang Desa Adat Sayan
 - b. Sisih wetan ring wewidang Desa Adat Singakerta
 - c. Sisih kidul ring wewidang Desa Adat Kengetan
 - d. Sisih kulon ring wewidang Desa Adat Demayu.
- (3) Desa Adat puniki kawangun antuk karang ayahan Desa miwah karang guna kaya.

SARGA II

PATITIS LAN PAMIKUKUH

Pawos 2

Desa Adat Tebongkang ngamanggehang pamikukuh, minakadi :

- a. Pancasila
- b. Undang-undang Dasar 1945, pamekas pasal 18
- c. Perda Propinsi Daerah Tingkat I Bali, nomor 06 tahun 1986
- d. Tri Hita Karana, manut sada cara agama Hindu.

Pawos 3

Lwir patitis Desa Adat Tebongkang :

- a. Mikukuhin miwah ngrajegang Sang Hyang Agama
- b. Nginggilang tata prawretine maagama
- c. Ngrajegang kasukertan Desa saha pawongannyane sakala lan niskala.

SARGA III

SUKERTA TATA PAKRAWAN

Palet 1

Intik Krama

Pawos 4

- (1) Sane kabawos Krama Desa, inggih punika :
 - a. Kulawarga sane maagama Hindu, saha ngamong karang Desa utawi karang guna kaya.
 - b. Kulawarga sane jumenek ring wewengkon Desa Adat Tebongkang saha li-la makrama.
 - c. Sajaba punika sinanggeh tamiyu.

Pawos 5

Pawos 5

Krama Desa wenten 4 (petang) pawos, lwire :

- a. Krama ngarep, kulawarga sane ngamong karang ayahan Desa
- b. Krama pangampel, kulawarga sane nenten polih karang ayahan Desa, utawi sane ngenahin karang guna kaya
- c. Krama balu, kulawarga sane katinggal seda olih lanangnyane utawi istrinyane, miwah sangkaning ngapihan
- d. Krama tapukan, kulawarga manut aksara a ring ajeng, sakewanten durung antos ngayah.

Pawos 6

Kawit tedun dados Krama Desa :

- a. Sangkaning ngamong karang ayahan Desa utawi karang guna kaya
- b. Sangkaning mawiwit pawiwahan
- c. Sangkaning jumenek saha lila makrama.

Pawos 7

Panemayan tedun makrama nyabran sasih kasanga.

Pawos 8

(1) Sahanan Krama Desa sami keni teteganan (ayah - ayahan), lwire :

- a. Ayah marep, mapiteges ayahan miwah urunan mamungkul
- b. Ayah pangampel, mapiteges ayahan manut pararem, urunan pawangunan saparo sakeng Krama ngarep
- c. Ayah balu, mapiteges ayahan asibak manut kahanan, urunan mamungkul
- d. Ayah tapukan, mapiteges tan keni ayahan, urunan mamungkul.

(2) Prade rikalaning ngayah wenten sinalih tunggil krama matilar sade-reng puput karya, wenang krama inucap keni pamidanda manut pararem, tanjek laler kawastanin.

Pawos 9

Krama Desa kadadosang :

- a. Mapwangkid utawi tan tedun
 1. Rikala mapawangunan, ngraabin, mayadnya, nandur (mamulih), matepetin kaluwasan
 2. Dados wantah apisan sajawaning wenten uakan sakeng Prajuru Desa.
- b. Nyada, mapiteges risampun mayusa 70 (pitung dasa) warsa, patut magentos ayah, tur tan dados nyuksukin
- c. Nyade utawi nyuksukin, mapiteges sane kawenangang nyuksukin risampun mayusa 17 (pitu las) warsa, utawi sampun alaki rabi tur mrasidayang nganutin krama
- d. Nutug ayah antuk arta brana (naub), kadadosang wantah ping kalih, langkungan ring punika, katikelang.

Pawos 10. ..

Wusan dados krama Desa, lwire :

- a. Sangkaning pinunas ngraga, utawi kesah kedura Desa
- b. Sangkaning kanoroyang, dwaning sampun tan prasida ngesehin solah, mapra wreti satata mamurug Awig-awig.

Sang wusan makrama :

- a. Patut ngaturang karang ayahan ka Desa
- b. Tan polih pah-pahan sangkaning padreweyan Desa
- c. Masuk metu ayahan keni pamidanda manut pararem.

Palet 2

Indik Prajuru Desa

Pawos 11

- (1) Desa Adat Tebongkang kaenter olih Bendesa Adat
- (2) Banjar kaenter olih Kelian Banjar
- (3) Bendesa Adat lan Kelian Banjar, patut :
 - a. Mawiwit saking krama wed
 - b. Kaadegang malarapan antuk gilihan/kacatri ring paruman nyabran 5 (limang) warsa, sajawaning wenten pariindikan tiyos, tur dados ka gilih malih
 - c. Maduluran Dewa Saksi ring Pura Bale Agung.

Pawos 12

- (1) Bendesa Adat kasangga olih :
 - a. Patajuh utawi pangliman pinaka panyadengane
 - b. Panyarikan pinaka juru surat
 - c. Patengen pinaka pangemong druwen Desa
 - d. Kasinoman pinaka juru arah.
- (2) Kasinoman akehnyane manut kawigunan saha magilir nyabran asasih
- (3) Sajroning ngenterang kasukertan niskala, Bendesa mingsinggihang Pamangku Kahyangan Desa mwah sang rumaga Sulinggih.

Pawos 13

- (1) Swadharmaning Bendesa Adat, lwire :
 - a. Ngenterang sahanan pamargin sadaging Awig-awig miwah pararem Desa
 - b. Nuntun tur ngenterang krama rawuhing warga Desa ngupadi manut patitis
 - c. Mawosin miwah niwakang pamutus arep ring wicara warga Desa
 - d. Maka duta Desa matemwang bawos ring sapa sira ugi.
- (2) Prade Prajuru iwang pangelaksana, keni pamidanda nikel ring kaiwang-an sowang-sowang krama, saha dados karariyanang manut pararem.

Pawos 14

Patias utawi olih-olihan Prajuru Desa, lwire :

- a. Luput rerampen (papeson)
- b. Polih tanding tengah
- c. Patias seyosan manut pararem.

Pawos 15. ...

Pawos 15

- (1) Prajuru Desa kagentosin, riantukan :
 - a. Seda
 - b. Kanoroyang, dwaning iwang pamargi utawi nilar sesana
 - c. Wit saking kayun rahayu, pinunas ngraga.
- (2) Nganoroyang utawi ngentosin Prajuru Desa, patut sajroning paruman, tur kaingkupin olih krama Desa.

Palet 3

Indik Kulkul

Pawos 16

- (1) Kulkul ring Desa, lwire :
 - a. Kulkul Desa
 - b. Kulkul Banjar
 - c. Kulkul Sekaa - sekaan
- (2) Tabuh tetepakan kulkul Desa/Banjar, sakadi ring sor :
 - a. Utpeti
Emkas putra : 7 (pitung) klentungan banban
 - b. Stiti
 - a. Bhaya : Gni bhaya, atulud bulus
Kapandungan, 2 (kalih) tulus bulus
Ngamuk, 3 (tigang) tulus bulus
 2. Tedun makarya, 2 (kalih) tulus banban
 3. Ngawangdeyang, mekarya, 3 (tigang) klentungan ngempang
 4. Ngarorod, 4 (petang) klentungan 2 (kalih) tabuh
 - c. Pralina
Kalayu sekaran (seda) atulud banban.

Pawos 17

- (1) Kulkul Desa/Banjar tan kawenang katepak yaning tan sangkaning pituduh Prajuru Desa/Banjar, sajawaning tengeran bhaya
- (2) Sang nepak tan sangkaning pituduh Prajuru Desa, patut digelis atur supeksa maka buatan panepake, yan tan asapunika, wenang sang mamurug kadanda manut pararem.
- (3) Kulkul sekaa-sekaa samaliha kulkul pondokan, tan kalugra nyawerin (matehin) sukat utawi tengeran kulkul Desa/Banjar, prade mamurug, wenang kadanda manut pararem.

Palet 4

Indik Paruman

Pawos 18

- (1) Paruman/sangkepan, lwire :
 - a. Paruman Desa/Banjar, kawentenang :
 1. Nyabran 6 (enem) sasih, nemoning pahing Galungan, maka cihna tanpa arah-arrah,

arah-arah, dwaning sampun manggeh panamaya

2. Napkala (padgata kala) maka jalaran arah-arah, manut tatujon

b. Sangkepan Prajuru Desa, kawentenang manut wiguna

c. Paruman sekas-sekaa, manut pabuat.

(2) Paruman Desa/Banjar madudonan sakadi ring sor :

a. Prasida lumaksana risampun katedunin olih sang patut ngamiletin, kamanggala antuk tengeran kulkul, miwah mabusana Adat madya, saha tan kalugra makta gagawan sakalwire.

Tan maren mangarcana ring Ida Bhagawan Panyarikan, maka sarana Widi widana cane

b. Maka sarana janggi, pangawit kalaksanayang panyacak sep-sep saha ri wusane nyacak dedosan gung alit, manut pararem

c. Tan kalugra ngawetuang suara gora utawi byota, yaning wenten asapunika keni pamidanda beya pacamil kadi dandaning nguman-uman ring sabha

d. Pamutus babawos, briyuk sapanggul (ingkup) punika kemanggehang.

(3) Prade pidaging paruman tan kaingkupin, mangda prajuru Desa ngilikang bebawos, saha pamutusnyane mangda kararemin olih krama Desa, bilih tan prasida kasungkemin jantos ping tiga, Prajuru Desa wenang nunas bawos ring Sang Ngawa Wenang.

Pawos 19

(1) Sajroning paruman Desa, Bondesa patut nyobyahang pamargin ngenterang Desa pamekas nganinin indik :

a. Munjuk lungsuring pakraman saha ayah-ayah, sulur arta brana druwen Desa

b. Pidabdab prajuru nganinin usaha Desa kapungkur

(2) Pamutus paruman Desa, sinanggeh pararem maka pamitegep daging Awig-awig.

Pawos 20

(1) Sangkepan Prajuru Desa kawenangang wantah ngarincikang pidabdab usaha Desa kapungkur

(2) Sangkepan Prajuru Desa, tan kawenang ngawedalang tetegenan ring krama, sadereng kaingkupin olih krama Desa.

(3) Pamutus sangkepan Prajuru Desa, ngawetuang pasuara, maka pidaging pituduh Sang Ngawa Wenang utawi ngonekang pecak pararem krama Desa.

Palet 5

Indik Druwen Desa

Pawos 21

Padruwen Desa Adat Tebongkang, sakadi ring sor :

a. Kahyangan Desa, lwire ;

1. Kahyangan Tiga.

1. Kahyangan Tiga
2. Pura Manca
3. Pura Beji
4. Prajapati.

- b. Telajakan Pura
- c. Bale Wantilan/Banjar
- d. Tegalán : 1,875 Ha
- e. Pelaba Pura : 1,243 Ha
- f. Karang ayahan Desa munjuk lungsur sakeng 64 (enem dasa patpat) karang
- g. Setra
- h. Lelanguan, mekadi tetabuhan lan ilen-ilen, lwire :
 1. Gong, abarung
 2. Batel, ajangkepan
 3. Ilen-ilen wali; rejang, pendet lan sapanunggilannyane.

Pawos 22

Piolihi-olihi Desa Adat Tebongkang, lwire :

- a. Piolihi-olihi sakeng palaba Pura
- b. Urunan sakeng krama Desa
- c. Paica sakeng Guru Wisesa
- d. Paica-paica sane tiyosan sane patut
- e. Dana punia
- f. Piolihi-olihi druwen Desa
- h. Usaha Desa.

Pawos 23

- (1) Prajuru Desa wenang ngetangang pemupon laba pura lan sapaninggilan druwen Desa
- (2) Pikolihi lan pemuponnyane kaanggen prabeya piodalan saha pawangunan ring pura.
- (3) Nyabran pasangkepan Desa, Prajuru pangemong druwen Desa nyobyahang pari indik munjuk lungsurung padruwen Krama Desa
- (4) Sakalwiring druwen Desa, patut wenten ilikitannyane
- (5) Tan kalugra ngadol utawi ngesahang padruwen Desa, yan tan kasungkemin olih Krama Desa.

Palet 6

Pawos 24

Sukerta Pamitegep

Kaping 1

Karang, tegal, lan carik.

- (1) Krama Desa pangemong karang Desa miwah karang paguna kaya, patut ngawatesin karang inucap antuk tembok utawi pagehan/turus, mangda pakantenan nyane asri

(2) Wates

- (2) Wates sisi kaler miwah kangin, patut kakaryanin olih sang ngamong karang inucap, sane mawasta gegaleng kaluwan, sejawaning tanah pacatu, tegal, carik, utawi tanah padruwen ngraga, sane kapiara watese sisi kelod miwah kauh, utawi manut dresta, reh punika mawasta gegaleng katoben
- (3) Prade karasayang pagehan/turus inucap ngalikadin, yan pada arsa penyandinge, dados watese ngangge pinget kewanten, kasaksinin olih Prajuru Desa utawi pracinna pal sakeng Sang Ngawa Wenang
- (4) Prade wenten karang kabebeng, mangda kausahayang wenten marginnyane

Pawos 25

- (1) Sinalih tunggil Krama Desa/Banjar, tan kalugra :
 - a. Ngalah-alah margi, tegal, karang ayahan Desa, lan sapanunggilannya ne
 - b. Ngalah-alah tanah : linggih Kahyangan, tegak setra, lan sakancan linggih sinanggeh suci
- (2) Prade wenten sakadi ring ajeng, sang ngalalah patut ngawaliang tanah inucap, saha keni pamidanda manut pararem, kadulurin upakara ring pangalalah tanah suci.

Kaping 2

P e p a y o n a n

Pawos 26

- (1) Ngawit nandur pepayonan tanem tuwuh, patut adepa belah (2.25 m) ngajroang sakeng wates, prade nyantos ngaliwat wates, wenang kasepat gantungin
- (2) Yaning wenten tetanduran ngungkulin samaliha mawastu mayanin kapisaga patut kawara antuk paiguman ping ajeng, mangdennya sang nruwenang wit ngrabah utwawi notor
- (3) Prade sampun kawara taler tan wenten usaha sang nruwenang wit, sang-rumasa katetehan/kajerihan wenang masadok ring Prajuru Desa, tur risampun kaparitatas, kalugra ngicalang wit inucap, sakewanten patin pepayonan patut katawur manut panglokika sang nepasin
- (4) Sang keni pamidanda penyangaskara saha prabeya manut pararem, arep ring wewangunan sang karubuhin, lwire :
 - a. Sang nruwenang wit sinanggeh mayanin, prade pungkut ngarubuhin wewangunan krama tiyos
 - b. Sang notor munggul utawi ngrebah taru tur ngarubuhin krama tiyos
- (5) Krama Desa patut ngamanggehang kawordian tanem tuwuh, sane ngawinang Desane asri.

Kaping 3

W e w a n g u n a n

Pawos 27

(1) Nyabran

- (1) Nyabran ngawangun patut ;
 - a. Masadok ring Prajuru Desa, ping ajeng prade wewangunan nganinin wates
 - b. Ngangge sukat asta bhumi miwah gegulak asta kosala kosali, sanis-tannyane manut ring patitis niskala
 - c. Tan nyayubin kapisaga
- (2) Prade wewangunan nyantos nyayubin, bilih-bilih tembeke ring telenging wates, ring sampun kawara tur kasadokang ring Prajuru, wenang kakanda manut pararem saha tembok inucap kagubar utawi kakaryanin abangan.

Kaping 4

Wewalungan

Pawos 28

- (1) Sahanan warga Desa sane mamiara wewalungan, patut sayaga nitenin negul/ngalegor, mangda tan ngarusak karang utawi pabianan krama tiyos, bilih-bilih jantos ngranjing ngaletihin Kahyangan
- (2) Prade wenten wewalungan malumbar utawi ngeleb, ngrusak pakarangan wiadin pabianan krama tiyos, risampun dados kataban tur kadanda, ngawaliang wit sane karusak saha nawur panebas papiaran tetaban, manut panglokika Prajuru Desa
- (3) Prade jantos ngaletihin linggih suci, minakadi pamrajan, risampun kaparitas olih Prajuru Desa, wenang sang nruwenang kedanda, mabuhu agung, tebasan prayascita, tebasan durmanggala. Prade jantos ngaletihin Kahyangan utawi Pamaksan, patut macaru panca sata, iwak itik belang kalung
- (4) Krama Desa patut nganggra wewalungan miwah sarwa prani, tan kapatut ngamademang paksi utawi nuba ulam, miwah sane tiyosan. Yan mamurug keni pamidanda manut pararem, tur sang malaksana patut kaaturang ring Guru Wisesa.

Kaping 5

Bhaya

Pawos 29

- (1) Pari indik bhaya, lwire : jiwa bhaya, artha bhaya, duracara ring agama
- (2) Sang ngamanggihin kahanan jiwa bhaya, patut nepak kulkul bulus, mapi-tulung manut pawos 16 nomer 2 aksana b1
- (3) Prade ring Desa kahanan jiwa bhaya, patut Desane ngaturang bhuta yadnya, sang mayanin keni pamidanda manut pararem, saha kaaturang ring sang Ngawa Wenang
- (4) Prade wenten jatma mamisuh utawi nguman-uman jatma tiyos, kakenanin beya pacamil tebasan prayascita.

Pawos 30

- (1) Sang ngamanggihin kahanan artha bhaya (kamalingan), patut ngulkul mapi-tulung

pitulung manut pawos 16 nomer 2 aksara b1, utawi sang kamalingan atur supekse ring Prajuru Desa sane pacang nimbangin utawi nanda manut pararem, saha mawuwuh penyangaskera, prade wenten jatma ngamaling barang sinanggeh suci, tur sang malaksana inucap kaatur ring sang Ngawa Wenang

- (2) Pratingkahe mapailon ring dusta kabawos saruron, prade wenten jatma ngamanggihin maling tan nyadokang ring Prajuru Desa, jantos jatma tiyos nyaduwang patut kadanda kadi dandaning maling, sakweh pangargan wit nikel ping lima, tur yan prade jantos ping tiga malaksana asapunika, wenang kasukserah ring Sang Ngawa Wenang.
- (3) Prade wenten jatma ngarereh reramon, minakadi daun kelapa, ron miwah sane tiyosan, tanpa sadok ring sang nruwenang wit, prade kacunduk(katara), patut kadanda kadi dandaning maling
- (4) Yening wenten jatma ngranjing kapakubon wiadin pakarangan jatma tiyosan rikala suwung, mawastu sang madruwe karang kaicalan, wenang jatma inucap katuwekang antuk madewa saksi ring Pura Bale Agung
- (5) Mangda tan katuwekang manut sekadi ring ajeng, asing-asing ngranjingin pakubon jatma tiyos, patut :
 - a. Matengeran swara (makaukan)
 - b. Nyantos sang nruwenang karang rawuh utawi masadok ring pangapit pinih tampek maka buatan pangranjinge
 - c. Pamedal karangnyane kadagingin sawen.

Kaping 6

Panyanggaan Banjar

Pawos 31

Krama Desa rikala ngawentenang karya suka duka, patut kasangga olih Banjar lwire :

- a. Prade ngawangun pitra yadnya, Dewa yadnya, miwah yadnya sane tiyosan, manut pinunas sang mayadnya
- b. Pangrombo utawi karya gotong-royong, satunggil matetampahan (bawi, itik) kramane patut kaaturan panguwu, manut pararem.

SARGA IV

SUKERTA TATA AGAMA

Palet 1

Indik Dewa Yadnya

Pawos 32

- (1) Palinggih panyiwian Desa Adat Tebongkang, lwire :
 - a. Kahyangan Tiga : Puseh, Desa/Bale Agung, Pura Dalem
 - b. Pura Manca (Pura Hyang Api)
 - c. Pura Beji
 - d. Prajapati.

(2) Rahina.....

- 2) Rahina piodalan pura inucap ring ajeng, sakadi ring sor :
 - a. Pura Desa/Bale Agung, ring rahina Buda Kliwon, Wuku Pahang
 - b. Pura Puseh, ring rahina Buda Kliwon Wuku Pahang
 - c. Pura Dalem, ring rahina Buda Umanis Wuku Medangsia
 - d. Pura Hyang Api, ring rahina Saniscara Kliwon Wuku Uye
 - e. Pura prajapati masarengan ring piodalan ring pura Dalem.

Pawos 33

- 1) Ring soang-soang pura inucap, patut kasdegang Pamangku
- 2) Ngadegang Pamangku, manut dudonan
 - a. Turunan utawi ngawaris
 - b. Nyanjangan utawi masemurang, soang-soang mapiceges mapinunas ring pura wiadin kadura Desa utawi ring balian senteng
 - c. Kacatri (kagilih) olih krama Desa
- 3) Tan kawenang kaanggen Pamangku, lwire :
 - a. Cedangga ; peceng, parot, cungih lep
 - b. Sang sapa sira ugi sane tan kapatutag manut pararem
 - c. Sungkan ila, buduh wiadin edan
 - d. Sane tan madruwe kasucian urip.
- 4) Prabeya Kapamangkuan :
 - a. Adiksa widhi, kamedalin saha kalaksanayang olih sang ngadegang, makadi krama Desa
 - b. Mapitra yadnya riwekas, patut kasungkemin olih krama Desa, sanistane Brahma prayascita, prade yadnyane kalaksanayang olih warga sira mangku, panyanggane manut pararem
- 5) Pamangku patut ngamanggehang sesananing Pamangku, lwire :
 - a. Ambek dharma sadhu
 - b. Asewaka dharma, makadang sastra utama
 - c. Tan parek ring naya dusta
 - d. Tan atayub ring tarub camara yuda
 - e. Tan manjing ring umah wong wanija karma
 - f. Tan manjing ring umah wong drati karma
 - g. Tan pati pikul-pikulan
 - h. Tan pati salah suluh
 - i. Tan anginum asing ngawe mada
 - j. Tan griganing wong akweh
 - k. Tan keneng cuntakaning wong len, sajawaning :
 - k 1. paguruan ; 3 (tigang) rahina
 - k 2. manatah asiki : 5 (limang) rahina.

Pawos 34

wedharmaning Pamangku, lwire :

- a. Ngenterang upakara ring Kahyangan utawi ring soang-soang pakubon krama
- b. Prade

- b. Prade salah sinunggil Pamangku kapialang utawi cuntaka, dados ngaturin Pamangku tiyosan utawi nuhur sang Sulinggih
- c. Samaliha yan sampun Pamangku ngayah ring pura, kancit wenten kula-wargannyane seda, mangku inucap tan keneng kacuntakan, sakewanten Pamangku tan dados budal salami piodalan.

Pawos 35

Patias utawi olih-olihan Pamangku, lwire :

- a. Sarin canang soang-soang pakubon krama Desa
- b. Sarin canang rikala piodalan, manut pararem
- c. Upon palaba, carik miwah tegal manut pararem
- d. Luput pakaryan lan rerampen/reramon, padagingan keni kadi patut.

Pawos 36

(1) Pamangku kagentosin, riantukan :

- a. Seda
- b. Pinunas ngraga, manawi kageringan
- c. Kawusang olih krama Desa, dwaning malaksana tan patut.

(2) Prade Pamangku kawusang sangkaning malaksana tan patut, keni pamidanda manut pararem, saha ngawaliang prabeaya pawintenannya pecak.

Pawos 37

Kasukertan Kahyangan sakadi ring sor :

a. Tan kalugra ngranjing ka Pura, lwire :

- 1. Sang katiban cuntaka, manut pawos 43
- 2. Makta sahanan barang sinanggeh ngaletihin
- 3. Sate agung, sawawaning rikala mapepada
- 4. Mabusana tan manut sekadi caraning ngranjing ka Pura
- 5. Sadereng polih uak-uakan/pituduh sakeng Prajuru

b. Pratingkahe tan wenang ring Pura, lwire :

- 1. Masumpah (macoran), sawawaning pituduh Prajuru
- 2. Makobetan, masenengan, makolem dados asiki lanang wadon
- 3. Mabacin, mawyahara, macecepin rare, nyangsang busana, menehin pusungan, rikala majejahitan patut ngelung busung, masingor lidinnyane
- 4. Sang mamurug kecap ring ajeng, keni pamidanda pamrayascita, manut pararem.

Pawos 38

- (1) Yan wenten jatma karawuhan ring Pura dados kapintonin, prade rumasa kasmangsayan, yan tan wyakti, jatma inucap kasisipang manut pararem
- (2) Prade Kahyangan kahanan durmanggala, minakadi keni bhaya, Pamangku miwah sang ngamanggihin, patut digelis nyadokang ring Prajuru, mangda marumang krama Desa tur ngaturang pamrayascitan sepatutnyane.

Palet 2

Indik Rci Yadnya

Pawos 39

- (1) Sang madeg pandita utawi pinandita, minakadi balian sonteng, saka lwi-ring jagi ngenterang yadnya, patut masadok ring Prajuru Desa, utawi ring Parisada Hindu Dharma Indonesia
- (2) Prajuru Desa patut ngawas nitenin tur naweng ngalengin, prade wenten kacihnian sasar ring daging sastra agama
- (3) Prajuru Desa patut nyaksinin upacara inucap, saha nyobyahang ring pa-ruman Desa, tegap rawuhing wates kawenangannya ngenter yadnya
- (4) Krama Desa patut ngaturang ayah sapamadeg miwah ring panglepas Sang Sulinggih riwekas, katuntun olih Prajuru Desa.

Pawos 40

- (1) Sang Sulinggih patut ngariyining muput ring wewidangan Desa Adat Te-bongkang, wusan punika wawu dados muputang yadnya kajebar Desa tiyos
- (2) Krama Desa patut sareng ngawas nitenin, katuntun olih Prajuru Desa, mangda sahanan yadnya sane kawentenang kaicen pamuput olih pinandita utawi pandita manut kawenangannyane soang-soang.

Palet 3

Indik Pitra Yadnya

Pawos 41



Pamargin pitra yadnya, madudonan sakadi ring sor :

- a. Pangupakaran sang kalayu sekaran ;
 1. Antuk mendem utawi ngeseng, maka cihna makingsan ring ibu pratiwi, utawi ring Bathara Brahma, salami nuptupang prabeya
 2. Atiwa-tiwa (upakara pangabenan/palebon), manut pararem
- b. Upakara-upakara pitra yadnya, riwusan kaabenang, pangiriman, ngraris ngrorasin.

Pawos 42

Swadharmaning lan tetegenan prade wenten sinalih tunggil krama kalayu se-karan

- a. Sang kaduhkitan, patut :
 1. Nyadokang ring Kelian Banjar saha nunas tetimbang ring kawentenannya
 2. Ngaturin krama Banjar makarya eteh-ete
- b. Krama Banjar/Desa :
 1. Kelian Banjar maritatas pamargin sang kaduhkitan, napike pacang ke-pendem, makingsan riyin utawi ngalantur kaabenang
 2. Prade kapendem, raris kawentenang kulkul pamitahu, manut pawos 16,2c olih Kelian Banjar utawi patajuhnyane
 3. Panyanggan Banjar, salanturnyane :
 - 3.1. Soang-soang krama Banjar nedunin lan rerempen, manut pararem
 - 3.2.

- 3.2. Ngrombo ngaryanin eteh-ete sawa kasarengin olih krama sane ra-
wuh manksian
- 3.3. Sami krama Banjar ngater kasetra jantos pamendeman puput
- c. Tan dados ngalelet, mendem langkungan ring sajroning 7 (pitung) ra-
hina, sang kaduhkitan patut polih pagebagan, manut paetangan Prajuru
- d. Tan kalugra nginepang bangbang
- e. Tan kalugra mendem rikala semut sedulur, kala gotongan, wa panganten,
rerahinan gumi, nemoning piodalan/piodalan Kahyangan Tiga, pura Man-
ca, pra wani, purnama, tilem, kajeng kliwon, pasah lan tegak rahinan
sang kalayu sekaran
- f. Prade wenten kalayu sekaran sajroning piodalan dados mendem tanpasa-
dok, sekewanten mamargi rikala wengi, risampun wusan ngaturang wali,
manut pituduh Prajuru
- g. Prade wenten jatma seda sangkaning sungkan ila, patut kageseng ring
setra, malarapan upakara makingsan digeni, abunnyane kapendem
- h. Prade wenten jatma seda sangkaning salah pati, ulah pati lan kapa-
ngawan, dados kaupakarain sekadi seda bener, sakewanten kariyinin an-
tuk upakara penebasan alit ring genahnyane seda
- i. Prade wenten anak istri seda kantun ngadut manik, patut kalaksanayang
upakara masadak riyin, wawu raris kependem.

Pawos 43

K a c u n t a k a n .

- (1) Sane kasinanggeh cuntaka, sekadi ring sor :
- a. Cuntaka antuk kalayu sekaran
- b. Cuntaka antuk ngrajaswala
- c. Cuntaka antuk ngembas putra
- d. Cuntaka antuk karuron
- e. Cuntaka antuk sungkan ila / buduh
- f. Cuntaka antuk pawiwahan
- g. Cuntaka antuk gamya gamana
- h. Cuntaka antuk salah timpal
- i. Cuntaka antuk yening wenten anak, istri mobot nenten kaupakarain
pabyakaonan utawi pawidiwidanan
- y. Cuntaka antuk mamitra ngalang
- k. Cuntaka antuk yening wenten anak istri ngembas putra, sadurunge
kaupakarain pabyakaonan utawi pawidiwidanan
- l. Cuntaka antuk sad tetayi
- (2) Sengker cuntaka manut kawentenannya :
- a. Kalayu sekaran, cuntakannya kaanutang sakadi loka dresta, miwah
sastra dresta, taler manut pararem
- b. Cuntaka ngrajaswala, 3 (tigang) rahina ngawit sekeng ngrajaswala
utawi salaminnyane ngrajaswala

c. Ngemas.....

- c. Ngembas putra, cuntakannya : sane istri 42 (petang dasa kalih) rahina, ngawit sakeng putrane embas, utawi ngantos sesampunne kaupakara-in makekambuhan tur maprayascita manut kecap sastra agama, sane lanang ngatos putrane kepus udel
- d. Kakuron cuntakannya, sane istri 42 (petang dasa kalih) rahina tur sesampune matirta pamrayascita, sane lanang manut pararem
- e. Sungkan ila/buduh, cuntakannya, manut pararem
- f. Pawiwahan, cuntakannya ngantos sesampune kaupakarain pawidiwidanan tur kawentenang pamrayascitan raga
- g. Gamy gamana, cuntakannya ngatos sesampunne kapalasang / kasapihang, tra agama lan pamrayascitan Desa
- h. Salah timpel, cuntakannya ngantos sesampune kaupakarain manut sas- ngantos kaupakarain
- i. Anak istri mobot tan kawentenang upakara pawidiwidanan, cuntakanya
- j. Mamitra ngalang, cuntakannya manut pararem
- k. Sad tetayi, cuntakannya ngantos sesampunne maprayascita raga tur nen ten dados ngamunggahang upakara padwijatian
- l. Ngembas putra nenten kawentenang upakara pabyakaonan miwah pawidiwi- danan, cuntakan biangnya ngantos kaupakara pabyakaonan, putrannya ngantos wenten sane memeras kundul.
- 3) Ngembas putra buncing, cuntakannya sakadi ngembas putra biasa, sakewan- ten patut mrayascita jagat antuk pacaruan gumi suda/panca sata ring ja- ba pura Bale Agung, masengker rare punika mayusa 42 (petang dasa kalih rahina).
- 4) Cuntakan kalayu sekaran / kapademan ;
- a. Kapendem, cuntakannya ;
- a.1. Banjar, 3 (tigang) rahina riwusannya mendem utawi sesampune po- lih maprayascita (masapuh)
- a.2. Kulawargannya sajroning pakarangan, ngantos ^{12. dua belah lar} 27 (pitu-lukur) ra- hina
- a.3. Kulawarga sane tiyosan, manut pararem
- b. Kaabenang, cuntakannya ;
- b.1. Banjar, ngawit sakeng nyambut padewasan ngantos wusan mapegat
- b.2. Sang nyambut karya, ngawit sakeng nyambut padewasan ngantos ri- wusan yadnyannya (mapegat), kalanturang malih 3 (tigang) rahina
- b.3. Kulawargan sang nyambut karya, manut pararem
- 5) Prade wenten sinalih tunggil krama Banjar kacuntakan (antuk kapendem u- tawi kaabenang) sakeng dura desa, cuntakan krama inucap manut pararem
- 6) Sane katiban cuntaka, lwire :
- a. Kalayu sekaran ;
- a.1. Sang kalayu sekaran
- a.2. Kulawargannya
- a.3. Bebanjaran
- b. Ngraja

- b. Ngraja swala, sang sane ngraja swala
 - c. Sungkan ila, buduh, sang kasungkunan
 - d. Ngembas putra, kulawargannya sane ngembas putra, lanang wiadin istri
 - e. Pawiwahan, sang sane kaupakarain, lanang wiadin istri
 - f. Karuron, kulawargannya lanang wiadin istri
 - h. Salah timpal, sang malaksana miwah Desa Adat
 - i. Anak istri mobot nenten kawentenang upakara pabyakaonan, sang maraga istri
 - y. Mamitra ngalang, sang malaksana
 - k. Ngembas putra nenten kawentenang upakara pabyakaonan, sang ngembas putra miwah putrannya
 - l. Sad tetayi, sang melaksana.
- 7) Tan keneng cuntaka, lwire :
- a. Sang Sulinggih lan Pamangku Kahyangan Tiga, sawawaning kawentenane sekadi pawos 33 angka 5 aksara k
 - b. Rikala piodalan, risampun ngalang sasih/ngalang tengah.

Pawos 44

- 1) Atiwa-tiwa (pangabenan) kalaksanayang antuk :
 - a. Sawa Prateka
 - b. Nyawa Rsi
 - c. Swasta.
- 2) Panamayan pangabenan, wenten kalih pawos, lwire :
 - a. Ngaben dedadakan/bah bangun, manut pararem
 - b. Ngaben ngamasa, manut pararem.
- 3) Dudonan pangabenan, ngawit sakeng ngagah (seda), ngeseng, pangiriman jan tos ngrorasin.

Pawos 45

- 1) Peputusan pangabenan, wenten kalih pawos, lwire :
 - a. Ngaben ngamasa ; kelapa, gesing, klangсах, beras, akwehnya manut pararem
 - b. Ngaben dedadakan ; patus lan akwehnya manut pararem.
- 2) Pangingune ring krama Banjar, satunggil matetampahan kramane katurin pangingu.

Palet 4

Indik Manusa Yadnya

Pawos 46

- 1) Manusa Yadnya inggih punika, upakara-upakara dharmaning manusa ngawit sakeng patemoning kama bang kalawan kama petak sajroning garba, ngantos kalayu sekaran riwekas
- 2) Upakara sakadi ring ajeng, madudonan sekadi ring sor :
 - a. Magedong-gedongan, duk pangrempinian ibiang
 - b. Duk sang kama rela medal
 - c. Kepus udel
 - d. Roras rahina

- d. Koras rahina
- e. Tutug kambuhan (42 rahina)
- f. Nigang sasihin
- g. Pawetuan/odalan/6 sasih
- h. Tutug kelih (ngraja swala wadone, ngembakin lanange)
- i. Matatah/mapandes
- j. Mawiwaha
- k. Mawinten.

3) Upakara-upakara inucap, nista, madya, utama, manut sastra agama lan si-
ma cara Desa.

Palet 5

Indik Bhuta Yadnya

Pawos 47

1) Bhuta yadnya inggih punika, upakara-upakara byakala ring pratiwi miwah
kahyangan, sarwa prani saha upakara-upakara ring bebhutan lan piranti-
piranti

2) Upakara pabyakala ring sarwa prani, lwire :

a. Ring sarwa tumuwuh, rikala tumpek pangatag (Saniscara Kliwon wuku
Wariga)

b. Ring sarwa ingon-ingon, ring tumpek kandang (Saniscara Kliwon wuku
Uye)

c. Ring piranti :

c.1. Wayang, ring Saniscara Kliwon wuku Wayang

c.2. Sarwa lelanguan ring Saniscara Kliwon wuku Krulut

c.3. Sarwa Landep, ring Saniscara Kliwon wuku Landep

c.4. Sarwa Syandana, ring Saniscara Kliwon wuku Kuningan.

3) Upakara pabyakala ring pratiwi, Kahyangan lan bebhutan kawastaning ma-
caru

4) Pacaruan inucap ring ajeng, nista, madya, utama, manut wiguna sakadi
ring sor :

a. Eka sata

d. Rsi Gana

b. Panca sata

e. Tawur Agung

c. Panca sanak

f. Panca Kelud.

5) Sajroning sakadi ring ajeng, kawentenang upakara :

a. Majot-jotan utawi yadnya sesa, nyabran wusan ngrateng

b. Masapuh-sapuh, rikala pacang ngawentenang wali ring pura.

Pawos 48

1) Nangken ngawarsa rikalaning tilem kasanga, kawentenang tawur kasanga,
maka cihna pacang magpag rahina panyepian benjangnyane

2) Brata panyepian patut kamargiang olih krama Desa :

a. Amati gni, tan dados maapi-api

b. Amati karya,

- b. Amati karya, tan dados nyambut karya
- c. Amati lelungan, tan dados malelancaran
- d. Amati lelungan, tan dados maoneng-onengan, maswara gora lsp
- (3) Pabratan inucap kamargiang sakeng medal surya rawuh medal surya ben-
jangnyane
- (4) Sang mamurug kecap ring ajeng, keni pamidanda manut pararem, kamargi-
ang olih patelik (pacalang Desa)
- (5) Riwus rahina nyepi, benjangnyane maka cihna pangawit Içaka warsa, patut
warga Desane sami ngaksama (Dharma Shanti)

SARGA V

SUKERTA TATA PAWONGAN

Palet 1

Indik Pawiwahan

Pawos 49

- (1) Pawiwahan inggih punika, patemoning purusa lawan pradana malarapan
panunggalan kayun suka lila, kadulurin upasaksi sakala niskala
- (2) Palaksanan pawiwahan, lwire :
 - a. Pepadikan, kamanggala antuk pakrunayan
 - b. Ngrorod, ngrangkat riyin, wawu kakrunayang
 - c. Nyeburin utawi nyentana (risampun nganutin upakara pamrasan)
- (3) Pidabdab sang pacang mawiwaha, patut :
 - a. Sampun manggeh daha truna (prasida nganutin Undang-undang Perkawin-
an)
 - b. Sangkaning pada lila (tan kapaksa)
 - c. Manut kecap sastra agama
 - d. Kasudiwadani, prade pangambile tiyos agama.
- (4) Pamargin pawiwahane mangda taler nganutin Undang-undang Perkawinan sa-
keng Sang Ngawa Wenang.

Pawos 50

- (1) Pawiwahan sane kapatutut ring Desa, sakadi ring sor :
 - a. Sampun kamargiang pabyakalan utawi pasakapan, olih pinandita utawi
pandita, kasaksiang sakala niskala
 - b. Wenten pasaksi Prajuru sane mapakelingang utawi ngilikitayang pawiwahane
 - c. Sampun matengeran swaran kulkul, manut pawos 16, angka (2), aksara
b4
 - d. Pawiwahane inucap ring ajeng, sampun kailikitayang ring Sang Mawang
Rat.
- (2) Parabian sane tan manut sakadi ring ajeng, sinanggeh tan patut.

Pawos 51

- Tata caraning parabian, patut sakadi ring sor :
 - a. Sapa sira ugi pacang ngawarangang, pakulawargannya patut masadok ring
Prajuru.....

Prajuru selanturnyane Prajuru maritatas manut tan manut pamargin parabi-
ane
pamargin pepadikan, manut dudonan :

1. Pakrunayan jantos ping tiga, saha soang-soang malarapan ;
 - 1.1. Kapartama, antuk canang
 - 1.2. Kaping kalih, antuk canang lan sirih sajangkepnyane
 - 1.3. Kaping tiga, antuk tipat bantal, kabawos pamuput pepadikan
 2. Risampune manut sekadi ring ajeng, raris sang istri kaajak budal ring pakubon sang lanang, saha kalanturang antuk pabyakala
 3. Mangda puput tumus sakala niskala, raris kulawarga purusa makta paja-ti ring mrajan wadone
- Prade ngrorod/ngrangkat, patut :

1. Reraman lanange ngawentenang pamiluku antuk duta sakirangnya 2 (kalih) diri
2. Pagenahan antene tan dados ring pakubon sang lanang, sadereng mabyakala

Sajroning pakrunayan/panglukune, patut :

1. Kamanggala antuk geng pangampura arep ring reraman wadone
 2. Kaigumang bawos idih pakidih utawi palegayan arep ring pasewakan sang ngidih, saha dewasa pakrab kambene riwekas
 3. Kacihnayang indik kapurusa utawi prade sentana rajeg, kajejerang kapatut ngidih anak lanang sane kabawos pawiwahan nyeburin, tur risampun sulur pamerasan kategepin kamanggehang sentana nyeburin
 4. Prade tan terima pajati, pakrunayan kamargiang jantos ping tiga
- Pakerab kambean mapiteges upakara tinas apadang (puput) mapikuren, dwaning manut sekadi ring sor :

1. Sajroning kabawos ambe, kalaksanayang sakala niskala antuk sarana jejauman miwah pawidiwidana :
 - 1.1. Jejauman pinaka ngambe/ngadungang kayun soang-soang pakulawargan wadone
 - 1.2. Widiwidana pinaka pajati niskala, nunas wadone ring pamrajan
2. Sajroning bawos kerab, pamargi ring sakala :
 - 2.1. Antuk pasaksi krama Banjar, dwaning pakerabe punika malarapan tengeran swaran kulkul
 - 2.2. Pamekas pasaksi Prajuru sane ngilikitayang.

Palet 2

I n d i k N y a p i a n

Pawos 52

(1) Pawiwahan prasida kawusang, malarapan antuk palas parabian utawi kapademan

(2) Wusan mapikuren, riantukan sinalih tunggil seda, mapiteges balu, maka-di balu lanang utawi balu istri

(3) Palas

- (3) Palas parabian, wenten kalih pawos, inggih punika :
- a. Sangkaning pada lila
 - b. Sangkaning mawiwit wicara
- (4) Sang palas marabian patut atur supeksa, pailikitan riyin ring Sang Ru-
mawos Wastu tinas apadang, pamutuse kabawos nyapian, raris Prajuru nye-
byahang kawentenannya ring Desa, saha keni pamelin swaran kulkul, manut
pararem

Pawos 53

Tata cara palas parabian sangkaning pada lila, sekadi ring sor :

- a. Nawur prabeya pasaksi sinalih tunggil pada matenga
- b. Paguna kayan polih pahan pada
- c. Pabekel tadtadan sowang-sowang, kakwasa niri-niri, misah warisan ka-
kwaso olih purusa
- d. Ngawruhin miwah ngupajiwen prati sentana, manut swadharmaning guru
rupaka
- e. Nawur pamidanda panobas swaran kulkul, manut pawos 52 (4)

Pawos 54

Prade riwekas sang palas marabian adung malih, patut :

- a. Ngalaksanayang malih upakara pawiwahan
- b. Kadanda nikel sakeng palase, yadiastu palase pecak sangkaning pada
lila

Pawos 55

(1) Sang balu kabinayang dados :

- a. Balu luh wit sentana (sentana rajeg), miwah balu luh boya sentana
rajeg
- b. Balu muani kapurusan (wit sentana), miwah balu muani nyeburin boya
sentana

(2) Swadharmaning balu inucap, patut

- a. Ngamanggehang pati brata, tan dados ngamargiang para dara/drati krama
- b. Ngwasayang waris paguna kaya, tan dados ngadol, ngadeyang, makidihang
lan siyosan punika, sajawaning antuk paiuuman sakeng pianak utawi ku-
lawarga pinih tampek sakeng kurenannya, prade pianak kanton alit-alit
- c. Dados ngidih sentana, prade wenten pidabdab sadurung sinalih tunggil
padem, saha kaigumin olih kulawarga kapurusa
- d. Kawenangang mawiwaha malih, prade polih paigum kulawarga pinih tam-
pek ring kurenannya

Pawos 56

(1) Balu kaucap tan pageh, sekadi ring sor :

- a. Drati krama utawi para dara
- b. Matilar sakeng pakubon tan pasadok kantos 6 (nem) sasih
- c. Lempas ring swadharma siyosan, tan prasida ngesehin solah, maprawre-
tiarep ring pituduh kulawarga purusa

(2) Prade wenten balu tan pasantana utawi masantana, pageh ring swadharman-
nyane ...

nyane tan wenang katundung, prade tan prasida adung, sang balu inucap polih pahpahan pagunakayan

Palet 3

Indik Sentana

Pawos 57

- (1) Sentara wenten kalih pawos, inggih punika sane kaucap prati sentana miwah sentana paperasan
- (2) Preti sentana inggih punika, sentana sane metu sakeng pawiwahane kapatut
- (3) Prade pawiwahane tan ngawetwang sentana, dados ngidih sentana malaropan upa saksi sakala niskala, sane kawastanin sentana paperasan
- (4) Sentana rajeg inggih punika, prati sentana wadon (pradana) sane kamanggehang lanang (purusa), tur risampun ngalaksanayang kawiwahan kaceburin
- (5) Sang sane dados kaarsayang sentana rajeg inucap sakadi angka 5, inggih punika :
 - a. Prati sentana wadon tunggal utawi sinalih tunggal
 - b. Sampun kamanggehang dados prati sentana lanang (purusa)
 - c. Kaupakara pawiwahan, kautamayang jatma sane maagama Hindu, utawi jatma sane maagama siyosan, sane sampun ngalaksanayang pamarisuda raga (kasudi wadani)
 - d. Sane ngamanggehang sentana rajeg, patut masadok ring Prajuru Banjar tur Kelian Banjar patut nyobyahang ring Banjar, saha ngaturang ring Prajuru Desa.

Pawos 58

- (1) Ngangkat sentana, patut nganutin dudonan maka cihna arta pamerasan, sane kasaksiang sekala niskala
- (2) Sapa sira ugi krama pacang ngidih sentana, patut masadok ring Bendesa, sanistannyane 3 (tigang) sasih sadereng pamerasan, tur nunas pailikitan ring Sang Ngawa Wenang
- (3) Bendesa Adat patut nyobyahang ring krama, tur sang sapa sira ugi rumasa tan lila, mangda ngadokang ring Bendesa, masengker manut angka 2
- (4) Prajuru Desa digelis mawosin saha ngicenin dharma tetimbang, nepek ring catur dresta miwah pararem
- (5) Prade sulur pamerasan ten manut sakadi kecap ring ajeng, Prajuru Desa wenang ngandeg sang makarya, saha ngicenin panuntun mangda kapuputang riyin bebawose, sulur utawi wicarannyane
- (6) Kailikitayang ring Sang Ngawa Wenang

Pawos 59

- (1) Paperasan sane kapatut ring Desa, risampun maka cihna :
 - a. Widiwidana pamerasan
 - b. Kasaksinin olih Prajuru Desa sane makelingang utawi ngilikitayang
 - c. Risampun madruwe Akta Pengangkatan Sentana sakeng Sang Ngawa wenang
 - d. Kasobyahang ring krama
- (2) Sang patut...

- Sang patut kaperas angge sentana, sakadi ring sor :
- Jatma sane maagama Hindu
 - Papernahan nedunang sakéng sang mameras
 - Kulawarga sakéng purusa, prade tan wenten dados sakéng wadon
 - Kautamayang sakéng waris pancer kapurusa
 - Sinalih tunggil mawiwit sakéng kulawarga tunggal pamrajan, paibon, dadya
 - Prade tan wenten sakadi kecap ring ajeng, wawu dados sakama-kama.
- Dados ngangkat sentana langkungan ring adiri, lanang wadon.

Palet 4

Indik Warisan

Pawos 60

Warisan inggih punika, tetamian arta brana saha ayah-ayahan, ngupadi sukerta sakala niskala sakéng kaluhurannya arep ring turunannya.

Sang sinanggeh warisan lwire :

- Druwe tengah, makadi tegal, sawah, ayahan Desa, Kahyangan, pusaka, siwa krama lsp
 - Pamrajan
 - Pagunakayan, tetadtadan (jiwa dana), hutang piutang
- Wawu dados kabawos warisan, prade wenten :
- Sang mapiturun
 - Katurunan (ahli waris)
 - Arta brana miwah tetegenan (ayah-ayahan) maka cihna warisan.

Pawos 61

Ahli Waris, lwire :

- Prati sentana purusa
 - Prati sentana pradana (sentana rajeg)
 - Sentana peperasan lanang/wadon.
- Prade tan wenten sakadi ring ajeng, sang sinanggeh ahli waris :
- Turunan purusa pernah ngunggahang, rerama lanang, pekak, salanturipun rerama, misan, mindon
 - Turunan purusa pernah kasamping, makadi keponakan, misan, mindon

Pawos 62

Martaning ahli waris, patut :

- Nrima saha nguasayang tetamian, pahan sakéng kaluhurannya, makadi ngrempon pamrajan, pura, saha pangkarannya miwah nyledihinin ayah-ayahan pawaris
- Ngabenang pawaris saha nglanturang upakara-upakara pitra yadnya
- Nawurin hutang-hutang pawaris, manut panglokika lan bukti.

Pawos 63

Pahan warisan, manut sakadi ring sor :

- Risampun

- Sang patut kaperas angge sentana, sekadi ring sor :
- Jatma sane maagama Hindu
 - Papernahan nedunang sakeng sang mameras
 - Kulawarga sakeng purusa, prade tan wenten dados sakeng wadon
 - Kautamayang sakeng waris pancer kapurusa
 - Sinalih tunggil mawiwit sakeng kulawarga tunggal pamrajan, paibon, dadya
 - Prade tan wenten sakadi kecap ring ajeng, wawu dados sakama-kama.
- dados ngangkat sentana langkungan ring adiri, lanang wadon.

Palet 4

Indik Warisan

Pawos 60

- Warisan inggih punika, tetamian arta brana saha ayah-ayahan, ngupadi sukerta sakala niskala sakeng kaluhurannya arep ring turunannya.
- Kang sinanggeah warisan lwire :
- Druwe tengah, makadi tegal, sawah, ayahan Desa, Kahyangan, pusaka, siwa krama lsp
 - Pamrajan
 - Pagunakayan, tetadtadan (jiwa dana), hutang piutang
- Wawu dados kabawos warisan, prade wenten :
- Sang mapiturun
 - Katurunan (ahli waris)
 - Arta brana miwah tetegenan (ayah-ayahan) maka cihna warisan.

Pawos 61

Ahli Waris, lwire :

- Prati sentana purusa
- Prati sentana pradana (sentana rajeg)
- Sentana peperasan lanang/wadon.

Prade tan wenten sakadi ring ajeng, sang sinanggeah ahli waris :

- Turunan purusa pernah ngunggahang, rerama lanang, pekak, salanturipun rerama, misan, mindon
- Turunan purusa pernah kasamping, makadi keponakan, misan, mindon

Pawos 62

adharmaning ahli waris, patut :

- Nrima saha nguasayang tetamian, pahan sakeng kaluhurannya, makadi ngrempon pamrajan, pura, saha pangkarannya miwah nyledihinin ayah-ayahan pawaris
- Ngabenang pawaris saha nglanturang upakara-upakara pitra yadnya
- Nawurin hutang-hutang pawaris, manut panglokika lan bukti.

pawos 63

ngepahan warisan, manut sakadi ring sor :

a. Risampun

- a. Risampun kalaksanayang upakara pitra yadnya lan hutang-hutang pa-
waris buntas katawur
- b. Para ahli waris polih bahan pada sangkaning pagunakayan, sajawa -
ning karang ayahan Desa kaemong olih waris kang sinanggeh krama
marep
- c. Sinalih tungguil ahli waris tan polih pahan, prade :
 - c1. Nilar kawitan lan sesananing Agama
 - c2. Alpaka guru rupaka
 - c3. Sentana rajeg kesah mawiwaha utawi preti sentana nyeburin, so-
wang-sowang kabawos ninggal kadaton
- d. Boya ahli waris dados muponin hasil, manut dudonan lwire :
 - d1. Sentana luh, salami dereng kesah mawiwaha utawi dan alpaka
guru prade madruwe pianak tan kaangkenin olih wong tua, pia-
naknyane dados ngawaris wantah pikolih (paguna kayan) sentana
luh inucap
 - d2. Balu luh wiadin muani nyeburin (soang-soang boyo sentana)
 - d3. Mulih daha utawi truna, riantukan pawiwahane pecak kabawos
ninggal kadaton
- e. Pawaris dados maweweh rikala maurip, pinaka jiwa dana, tetadtadan
/bekel maka cihna paweweh tetep ring pianak sane kesah mawiwaha.

Pawos 64

- 1) Prade sajroning pakulawargan wenten ahli waris langkungan ring adiri,
patut :
 - a. Kawentenang paigum indik padum waris inucap
 - b. Prade tan prasida, katunasang tetimbang ring Prajuru/Panyangga
Desa
 - c. Prade taler tan wenten cumpu ring panepas Prajuru/Panyangga Desa,
dados katunasang ring Sang Rumawos
- 2) Prade karang inucap kaputungan, patut Prajuru nibakang ring :
 - a. Sang sinanggeh ahli waris, manut pawos 61 (2)
 - b. Sang dados kanggen sentana, manut pawos 59 (2) miwah (3)
 - c. Prade taler tan wenten cumpu ring panepas Prajuru/Panyangga Desa,
dados katumusang ring Sang Rumawos.
- 3) Prade karang Desa jantos kapah utawi kasepih, patut soang-soang nedu-
nin makrama Desa marep (batan paha).

SARGA VI
WICARA LAN PAMIDANDA

Palet 1

Indik Wicara

Pawos 65

- 4) Sane wenang mawosin makadi mutusang wicara ring Desa, inggih punika
Prajuru Desa

(2) Prade

- (2) Prade sang mawicara ten wenten cumpu ring panuntun Prajuru/Panyangga Desa, dados nunasang wicara inucap ring Sang Rumawos.

Pawos 66

- (1) Sahanan wicara mawiwit kacorahan sakalwire, sinanggeh nungkasin daging wosin tan nyantos pasadok
(2) Sajaba wicara makadi ring ajeng, patut nyantosang pasadok sang nunas bawos
(3) Panepase patut pastika nyantenang iwang kalawan patut, malarapan Tri Dresta.

Palet 2

Indik Pamidanda

Pawos 67

- (1) Desa/Banjar wenang nibakang pamidanda ring warga Desa/Banjar sane sip
(2) Paniwak inucap kalaksanayang olih Bendesa / Kelian Banjar
(3) Bacakan pamidanda, lwire :
a. Ayahan panukun kasisipan
b. Danda Arta
c. Rerampagan
d. Kanoroyang
e. Panyangaskara
(4) Pamidanda sane katiwakang, patut masor singgih manut kasisipannya
(5) Jinah utawi raja brana pamidanda, ngranjing dados druwen Desa/Banjar.

Pawos 68

- (1) Krama sane langkungan ring 3 (tigang) paruman nglantur tan nawur urunan, wenang karampag
(2) Rerampagan ngangge tata cara sakadi ring sor :
a. Kalaksanayang olih Prajuru kasarengin krama tigang diri, pinaka saksi
b. Sang karampag, sangkaning darsana ngaturan barang utawi nyawenin tanem tuwuh, akehnya manut ring hutangnyane
c. Prajuru miteketang mangda barang-barang sane karampag, digelis katebus masenger 7 (pitung) rahina, ring 8 (kutus) rahinane prade tan katebus, barang inucap pacang kaadol
d. Tan nganinin sakalwir barang sane patut inggilang manut agama utawi tan mademang pangupa jiwa sang karampag.

pawos 69

Prade sang pacang karampag ngawara (ngalangin) pamargi inucap, mawastu sampun tan nganutin Awig-awig Desa, sang karampag wenang kanoroyang makrama

(2) Pamidanda.....

- 2) Pamidanda inuocap ring ajeng keni buntas, risampun sang kakenanin :
a. Nunas geng pangampura ring krama Desa, riantukan nguak pasubaya (pa-rarem) pecak
b. Nawur pangargan panguk pasubaya duk pacang karampag, kadulurin prajascita panyapsap kaiwangan ring Desa.

SARGA VII

NGUWAH NGUWUHIN AWIG-AWIG

Pawos 70

Nguwah nguwuhin Awig-awig Desa puniki, kalaksanayang ring paruman Desa Awig-awig puniki kamargiang ngawit kasungkemin (kareremin).

Pawos 71

Sakalwiring sane wenten saderengnya, patut kaanutang ring sadaging awig awig puniki

Sakalwiring sane durung kabawos sajroning Awig-awig puniki, patut kalaksanayang manut tata cara sane sampun memargi, kadulurin antuk para-rem-pararem.

SARGA VIII

P A M U P U T

Pawos 72

- 1) Awig-awig puniki kararemin duk rahina : Soma Wage, Wuku Kulantir, panglong ping 15, Sasih Kasa, Içaka 1915, tanggal 19 Juli 1993, ring paruman krama Desa, magenah ring wantilan Pura Desa/Puseh Tebongkang
2) Awig puniki kapasupati tur kasaksinin olih Bupati Kepala Daerah Tingkat II Gianyar duk rahina : Soma Pon, Wuku Pahang, panglong ping 10, Sasih Ketiga, Içaka 1915 tanggal 11 Oktober 1993, ring Pura Desa/Puseh Tebongkang
3) Awig-awig puniki kalingga tanganin olih : Bendesa Adat lan Kelian Banjar Tebongkang
4) Lwir sang ngalingga tanganin :

a. Prajuru Desa

1. Kelian Banjar

2. Bendesa Adat

(I Wayan Jedog)

(I Ketut Buda)

Pinaka Saksi :

1. Kepala Dusun

2. Kepala Desa Singakerta

(I Wayan Jedog)

(I Made Suada, BA)

3. Camat Ubud,

(Drs. Anak Agung Gde Oka)

NIP.

Mengetahui dan telah dicatatkan :
Bupati Kepala Daerah Tingkat II Gianyar

(Tjokorda Gde Budi Suryawan, SH)